

# ESSAIS DE M. DE MONTA.

chien d'vne pistole, pousser les yeux sanglants hors de la teste, à force d'auoir le front serré & ~~geiné~~ d'vne grosse corde, auāt que de s'estre seulement youlu mettre à rançon. I'en ay veu vn, laissé pour mort tout nuid dans vn fossé, ayant le col tout meurtry & enflé d'vn' licol qui y pendoit encore, avec lequel on l'auoit tirassé toute la nuiet, à la queue d'un cheual, le corps percé en cent lieux, à coups de dague, qu'on luy auoit donné, non pas pour le tuer, mais pour luy faire de la douleur & de la crainte: qui auoit souffert tout cela, & iusq's a y auoir perdu parolle & sentiment, resolu à ce qu'il me dict, de mourir plustost de mille morts (comme de vray, quand à sa souffrance, il en auoit passé vne toute entiere) auāt que rien promettre: & si estoit vn des plus riches laboureurs de toute la contrée. Cō bien en à l'on veu se laisser patiemment brusler & rotir, pour des opinions empruntées d'autruy, ignorées & inconnues. J'ay cogneu cent & cent femmes, car ils disent que les testes de Gascoigne ont quelque prerogatiue en cela, que vous eussiez plustost faict mordre dans le fer chaut, que de leur faire desmordre vne opinion qu'elles eussent conceue en cholere. Elles s'exasperent à l'encontre des coups & de la contrainte. Et celuy qui forgea le conte, de la femme, qui pour aucune correctiō de menaces, & bastonades, ne cessoit d'appeller son mary pouilleux, & qui precipitee dans l'eau, haussoit encores en s'estouffant, les mains, & faisoit au dessus de sa teste, signe de tuer des poux: forgea vn conte, duquel en verité tous les iours, on voit l'image expresse en l'opiniastreté des femmes. Et est l'opiniastreté sœur de la constace, au moins en vigueur & fermeté. Il ne faut pas iugier ce qui est possible, & ce qui ne l'est pas, selon ce qui est crovable & incroyable à nostre pensée, comme i'ay dit ailleurs. C'est aussi vne grande faute, & en laquelle toute-fois la plus part des hommes tombent, de faire difficulté de croire d'autruy, ce qu'~~ne~~<sup>'eus</sup> ne scaurions faire. On ne voudra int. Il semble à chaque que la m<sup>e</sup> n<sup>e</sup>s best forme de nature est en luy: toutte straught a celeste toutes ces autres formes. Stupidelement, bâtement dey allures qui ne se reglent aux pierres sont peintes & artificielles d'uelle bestiale stupide.